

Na osnovu člana 34. Zakona o radu („Sl. novine FBiH“, broj: 26/16) i člana 2. i 3. Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-34-7259-2017/MHJS od 21.7.2017. godine, Gradonačelnik Grada Tuzla objavljuje

**JAVNI POZIV**  
**za prijem lica na stručno osposobljavanje bez zasnivanja radnog odnosa u službe za upravu i**  
**stručne službe Grada Tuzle**

**I. Naziv pozicije:**

01. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova - pravne ili upravne struke.....9 izvršilaca
02. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova - ekonomske struke.....4 izvršioca
03. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – građevinske struke.....2 izvršioca.

**II. Opći uslovi:**

Kandidati moraju ispunjavati slijedeće opće uslove:

1. Da su državljani Bosne i Hercegovine,
2. Da su stariji od 18 godina,
3. Da su zdravstveno sposobni za obavljanje posla za koji se kandiduju,
4. Da se na njih ne odnosi član IX.1. Ustava Bosne i Hercegovine.

**III. Posebni uslovi:**

Pored općih uslova, kandidati moraju ispunjavati i slijedeće posebne uslove:

Za poziciju 01:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – pravne ili upravne struke,

Za poziciju 02:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – ekonomske struke,

Za poziciju 03:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – građevinske struke

**IV. Spisak potrebnih dokumenata:**

1. Popunjen prijavni obrazac (Prijavni obrazac kandidati mogu preuzeti na internet stranici Grada Tuzla – [www.tuzla.ba](http://www.tuzla.ba))
2. Diploma o završenom fakultetu (nostrificirana diploma ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine),
3. Dokaz o ostvarenom prosjeku ocjena cjelokupnog završenog studija na fakultetu (prosjek ocjena svih studijskih godina),
4. Uvjerenje Službe za zapošljavanje o dužini trajanja nezaposlenosti nakon sticanja diplome visokog obrazovanja - VII stepena stručne spreme, odnosno najmanje I ciklusa studija po bolonjskom sistemu studiranja (Pod trajanjem nezaposlenosti podrazumijeva se period od prijavljivanja na evidenciju kod Službe za zapošljavanje pa zaključno sa danom objavljivanja Javnog poziva na zvaničnoj internet stranici Grada Tuzla.),

5. Dokaz o utvrđenom stepenu invalidnosti (za kandidate kod kojih postoji utvrđen stepen invalidnosti od 60% i više),
6. Dokaz o pripadnosti branilačkoj populaciji (dokazi izdati od općinskih/gradskih organa nadležnih za boračko-invalidsku zaštitu ili nadležnih organa za vojne evidencije - odjeljenje odbrane)

Dokumenti koji se prilažu uz prijavu moraju biti **u originalu ili ovjerenoj fotokopiji**.

Ostale dokumente kojima se dokazuje ispunjavanje općih uslova javnog poziva izabrani kandidati su dužni dostaviti u roku od 8 (osam) dana od dana prijema obavještenja o rezultatima javnog poziva.

#### **V. Ostale napomene:**

Pravo prijave na javni poziv imaju lica koja poslije završenog visokog obrazovanja - VII stepena stručne spreme, odnosno najmanje I ciklusa studija po bolonjskom sistemu studiranja nemaju uopće ili nemaju dovoljno (12 mjeseci) radnog iskustva neophodnog za samostalan rad i polaganje stručnog ispita, i koja su prijavljena na evidenciju kod Službe za zapošljavanje.

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 mjeseci.

Postupak izbora prijavljenih kandidata, koji ispunjavaju uvjete iz Javnog poziva za prijem lica na stručno osposobljavanje bez zasnivanja radnog odnosa (u daljem tekstu: Javni poziv) izvršit će se na osnovu kriterija utvrđenih Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02-34-7259-2017/MHJS od 21.7.2017. godine (dostupno na [www.tuzla.ba](http://www.tuzla.ba)).

Svi kandidati koji dostave potpunu dokumentaciju i time dokažu ispunjavanje uslova utvrđenih u Javnom pozivu bit će pozvani da pristupe intervjuu.

Prijem lica na stručno osposobljavanje bez zasnivanja radnog odnosa izvršit će se iz reda kandidata koji primjenom kriterija ostvare najveći broj bodova, i sa njima će biti zaključen ugovor o stručnom osposobljavanju u skladu sa Zakonom o radu („Sl. novine FBiH“, broj: 26/16).

Sa izabranim kandidatima koji su stekli određeno radno iskustvo kod drugih pravnih subjekata, a kraće od 12 mjeseci, ugovor o stručnom osposobljavanju bit će zaključen na period koji nedostaje do navršavanja 12 mjeseci radnog iskustva kandidata.

O izvršenom izboru svi kandidati će biti obaviješteni putem zvanične internet stranice Grada Tuzla.

#### **VI. Rok i mjesto za podnošenje prijave:**

Prijave sa traženom dokumentacijom dostaviti u roku od 15 (petnaest) dana od dana objavljivanja javnog poziva na zvaničnoj internet stranici Grada Tuzla.

Prijave na javni poziv na propisanom obrascu sa traženom dokumentacijom dostaviti lično putem pisarnice Grada Tuzla (Centar za pružanje usluga građanima) ili preporučenom pošiljkom na adresu:

**GRAD TUZLA – Stručna služba za poslove gradonačelnika -Komisija za provođenje Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle - Ulica ZAVNOBIH-a broj 11,**  
sa naznakom:

**„Prijava na Javni poziv za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle - ne otvaraj“**

Dodatne informacije mogu se dobiti na broj telefona: 035/307-417

Nepotpune i neblagovremene prijave neće biti uzete u razmatranje.